

# საქართველოს მთავრობის

## დადგენილება №330

2017 წლის 7 ივლისი

ქ. თბილისი

„საქართველოს შრომის ბაზრის ფორმირების სახელმწიფო სტრატეგიისა და საქართველოს შრომის ბაზრის ფორმირების სახელმწიფო სტრატეგიის რეალიზაციის 2015-2018 წლების სამოქმედო გეგმის დამტკიცების შესახებ“ საქართველოს მთავრობის 2013 წლის 2 აგვისტოს №199 დადგენილებაში ცვლილების შეტანის თაობაზე

### მუხლი 1

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად, „საქართველოს შრომის ბაზრის ფორმირების სახელმწიფო სტრატეგიისა და საქართველოს შრომის ბაზრის ფორმირების სახელმწიფო სტრატეგიის რეალიზაციის 2015-2018 წლების სამოქმედო გეგმის დამტკიცების შესახებ“ საქართველოს მთავრობის 2013 წლის 2 აგვისტოს №199 დადგენილებაში ([www.matsne.gov.ge](http://www.matsne.gov.ge), 02/08/2013, 010240010.10.003.017366) შეტანილ იქნეს ცვლილება და დადგენილებით დამტკიცებულ „საქართველოს შრომის ბაზრის ფორმირების სახელმწიფო სტრატეგიის რეალიზაციის 2015-2018 წლების სამოქმედო გეგმაში (დანართი 1.1):

1. მე-4 პუნქტის – „შრომის ბაზრის კვლევების ინსტიტუციონალიზაცია და ინფორმაციული ბაზის შექმნა/განვითარების“ 4.8 ქვეაქტივობის – „შრომის ბაზრის მოთხოვნის კვლევის ინსტიტუციონალიზაციის“:

ა) პასუხისმგებელი ორგანიზაცია ჩამოყალიბდეს შემდეგი რედაქციით:

„სემგს, საქსტატი“;

ბ) მხარდამჭერი ორგანიზაციები ჩამოყალიბდეს შემდეგი რედაქციით:

„სშჯსდს, სგმს, სოციალური პარტნიორები“;

გ) მოსალოდნელი შედეგები ჩამოყალიბდეს შემდეგი რედაქციით:

„მომზადებულია კვლევის მეთოდოლოგიური ჩარჩო, ინსტრუმენტები და შესწავლილია დამსაქმებლების მოთხოვნა ადამიანურ კაპიტალთან დაკავშირებით“;

დ) შედეგის დადგომის ინდიკატორები ჩამოყალიბდეს შემდეგი რედაქციით:

„განხორციელებული კვლევა მეთოდოლოგიური ჩარჩოს მიხედვით“.

2. მე-4 პუნქტის – „შრომის ბაზრის კვლევების ინსტიტუციონალიზაცია და ინფორმაციული ბაზის შექმნა/განვითარების“:

ა) 4.10 ქვეაქტივობა ჩამოყალიბდეს შემდეგი რედაქციით:

„შრომის ბაზრის საინფორმაციო სისტემის (LMIS) დანერგვა და განვითარება“;

ბ) პასუხისმგებელი ორგანიზაცია ჩამოყალიბდეს შემდეგი რედაქციით:

„სემგს“;

გ) მხარდამჭერი ორგანიზაციები ჩამოყალიბდეს შემდეგი რედაქციით:



„სშჯსდს, სსიპ – სოციალური მომსახურების სააგენტო, სგმს, საქსტატი, სრგის, სსმს, სფს, სოციალური პარტნიორები, ევროპის სასწავლო ფონდი, სსიპ – საჯარო სამსახურის ბიურო, დასაქმების კერძო სააგენტოები“;

**დ) მოსალოდნელი შედეგები ჩამოყალიბდეს შემდეგი რედაქციით:**

„შექმნილია საჯარო ვებპორტალი და სისტემაში გამოქვეყნებული ინფორმაცია ადვილად გასაგები და ხელმისაწვდომია მომხმარებლისათვის“;

**ე) შედეგის დადგომის ინდიკატორები ჩამოყალიბდეს შემდეგი რედაქციით:**

„სისტემაში გამოქვეყნებული ცვლადები, შექმნილი ფუნქციონალები და აპლიკაციები“.

**3. მე-4 პუნქტის: „შრომის ბაზრის კვლევების ინსტიტუციონალიზაცია და ინფორმაციული ბაზის შექმნა/განვითარება“:**

**ა) 4.11 ქვეაქტივობა ჩამოყალიბდეს შემდეგი რედაქციით:**

„საჭიროებიდან გამომდინარე, დამატებითი კვლევების ჩატარება“;

**ბ) პასუხისმგებელი ორგანიზაცია ჩამოყალიბდეს შემდეგი რედაქციით:**

„სემგს, საქსტატი“;

**გ) მხარდამჭერი ორგანიზაციები ჩამოყალიბდეს შემდეგი რედაქციით:**

„სშჯსდს, სგმს, სსმს, სსასს, სფს, სრგის, სოციალური პარტნიორები, დონორები“;

**დ) მოსალოდნელი შედეგები ჩამოყალიბდეს შემდეგი რედაქციით:**

„შევსებულია ინფორმაციული დანაკლისი და იდენტიფიცირებულია საკითხის ირგვლივ არსებული გამოწვევები“;

**ე) შედეგის დადგომის ინდიკატორები ჩამოყალიბდეს შემდეგი რედაქციით:**

„მოპოვებული თვისებრივი და რაოდენობრივი ინფორმაცია, იდენტიფიცირებული პრობლემები და მომზადებული რეკომენდაციები“.

## **მუხლი 2**

დადგენილება ამოქმედდეს გამოქვეყნებისთანავე.

**პრემიერ-მინისტრი**

**გიორგი კვირიკაშვილი**

